

Registered Exporter System (REX) বাস্তবায়ন
গাইডলাইন, ২০১৯

১.০ প্রস্তাবনা:

যেহেতু রপ্তানি খাত দেশের অর্থনৈতিক উন্নয়নে গুরুত্বপূর্ণ ভূমিকা রাখছে,

যেহেতু ইউরোপীয় ইউনিয়নে পণ্য রপ্তানিতে Everything But Arms (EBA) - এর আওতায় বাংলাদেশের রপ্তানিকারকগণের শুল্কমুক্ত প্রবেশাধিকার সুবিধা অব্যাহত রাখা প্রয়োজন;

যেহেতু EU নির্ধারিত Rules of Origin (RoO) প্রতিপালন করে Generalized System of Preferences (GSP) সার্টিফিকেশন প্রক্রিয়ায় শুল্কমুক্ত প্রবেশাধিকার রক্ষা করা সম্ভব;

যেহেতু ইউরোপীয় ইউনিয়ন সার্টিফিকেশন প্রক্রিয়া সরলীকরণের জন্য EU Regulation:1063/2010 এবং Commission Implementing Regulation (EU) 2015/2447 গ্রহণ করেছে;

যেহেতু রপ্তানিকারকগণ নিজেসই ইউরোপীয় ইউনিয়ন নির্দেশিত মতে Registered Exporters System (REX)-এর মাধ্যমে Rules of Origin (RoO) সার্টিফিকেট তথা Statement on Origin (SoO) ইস্যু করবেন; এবং

যেহেতু Statement on Origin ইস্যু প্রক্রিয়া সকল রপ্তানিকারকগণের নিকট সহজবোধ্য ও বাস্তবায়ন নিশ্চিত করা প্রয়োজন;

সেহেতু সরকার এতদ্বারা নিম্নরূপ গাইডলাইন প্রণয়ন করল-

২.০ শিরোনাম ও প্রবর্তন:

এই গাইডলাইন Registered Exporter System (REX) বাস্তবায়ন গাইডলাইন-২০১৯ নামে অভিহিত হবে এবং তা জুন, ২০১৯ হইতে কার্যকর হয়েছে বলে গণ্য হবে।

৩.০ উদ্দেশ্য:

৩.১ বাংলাদেশের সর্ববৃহৎ রপ্তানি বাজার ইউরোপীয় ইউনিয়নসহ নরওয়ে, সুইজারল্যান্ড ও তুরস্কে রপ্তানি প্রসার ও প্রবৃদ্ধির গতিধারা অব্যাহত রাখা;

৩.২ Competent Authority-এর উপর অর্পিত দায়িত্ব সূচাররূপে সম্পাদন;

৩.৩ যথাযথভাবে Rules of Origin প্রতিপালনপূর্বক রপ্তানিকারক প্রতিষ্ঠান কর্তৃক Statement on Origin ইস্যুর সুষ্ঠু প্রক্রিয়া নিশ্চিতকরণ।

৪.০ সংজ্ঞা:


বিষয় বা প্রসঙ্গের পরিপন্থী কোনো কিছু না থাকিলে, এই গাইডলাইনে:

- ৪.১ Registered Exporter System (REX) বলিতে ইউরোপীয় ইউনিয়ন, সুইজারল্যান্ড, নরওয়ে ও তুরস্কে রপ্তানির লক্ষ্যে এ সকল দেশের ডাটাবেজে আবশ্যিক নিবন্ধন গ্রহণ করা বুঝাবে;
- ৪.২ Rules of Origin (RoO) বলিতে উল্লিখিত দেশসমূহ কর্তৃক বাংলাদেশকে প্রদত্ত শুল্কমুক্ত সুবিধা গ্রহণের ক্ষেত্রে পণ্যের সংশ্লিষ্ট কর্তৃপক্ষের নির্ধারিত Stage গত পরিবর্তন/মূল্য সংযোজনের নূন্যতম পরিমাণকে বুঝাবে;
- ৪.৩ Statement on Origin বলিতে রপ্তানিকারক কর্তৃক Rules of Origin (RoO) প্রতিপালনের ঘোষণাপত্র তথা Commercial Invoice-এর বিষয়ে Self declaration-কে বুঝাবে;
- ৪.৪ Competent Authority বলিতে সরকার কর্তৃক ক্ষমতাপ্রাপ্ত সেই কর্তৃপক্ষ বা প্রতিষ্ঠানকে বুঝাবে যে কর্তৃপক্ষ বা প্রতিষ্ঠান REX Registration Number প্রদান, Modification, মনিটর, নিয়ন্ত্রণ, EU কর্তৃপক্ষের System Administrator-কে প্রশাসনিক সহায়তা প্রদান এবং REX Number অপব্যবহারের ক্ষেত্রে Revocation and Annulment-এর জন্য বাংলাদেশ সরকারের পক্ষে ক্ষমতাপ্রাপ্ত;
- ৪.৫ Traders Identification Number (TIN Number) বলিতে একটি Unique Number যা BD + রপ্তানিকারক প্রতিষ্ঠানের Tax Identification Number-কে বুঝাবে;
- ৪.৬ REX Registration Number বলিতে একটি Unique Number যা BD+REX+00000-কে বুঝাবে;
- ৪.৭ Revocation বলিতে রপ্তানিকারক কর্তৃক Rules of Origin (RoO) এর কোনো শর্ত ভঙ্গ বা অন্য কোনো কারণে নিয়ম বিরুদ্ধ কাজের ফলে REX Registration Number বাতিল করাকে বুঝাবে।

৫.০ বাস্তবায়ন কৌশল:

REX বাস্তবায়নে অনুসরণীয় বিষয়সমূহ নিম্নরূপ হবে-

- ৫.১ ইউরোপীয় ইউনিয়ন প্রবর্তিত REX এর বিধি-বিধান অনুসরণ করে REX বাস্তবায়ন;



৫.২ সরকারের পক্ষে বাণিজ্য মন্ত্রণালয় প্রয়োজনীয় সংখ্যক Competent Authority নির্ধারণপূর্বক নিয়োগ প্রদান করতে পারবে এবং প্রাথমিকভাবে রপ্তানি উন্নয়ন ব্যুরো Competent Authority -এর সমুদয় দায়িত্ব পালন করবে;

৫.৩ Online -এ মনিটরিং ব্যবস্থা প্রবর্তন না হওয়া পর্যন্ত ম্যানুয়াল পদ্ধতিতে ঝুঁকি বিশ্লেষণ প্রক্রিয়া অনুসরণ করে মনিটরিং, নিয়ন্ত্রণ, Verification এবং System Administrator-কে প্রশাসনিক সহায়তা প্রদান;

৫.৪ শুধুমাত্র Rules of Origin প্রতিপালনে সক্ষম প্রতিষ্ঠানকে REX Registration Number প্রদান;

৫.৫ বিধি বর্হিভূতভাবে Statement on Origin ইস্যু করা হলে Competent Authority কর্তৃক অনুচ্ছেদ ৮-এর আলোকে ব্যবস্থা গ্রহণ;

৫.৬ REX System-এর বিভিন্ন বিষয়াবলী রপ্তানিকারকদের অবহিতকরণ;

৫.৭ একটি Consignment এর মূল্য ৬,০০০(ছয় হাজার) ইউরো / সমপরিমাণ হলে REX Registration Number প্রদান প্রযোজ্য হবে;

৫.৮ REX Registration Number গ্রহণকারী রপ্তানিকারক প্রতিষ্ঠান মনিটরিং, নিয়ন্ত্রণ ও verification সম্পাদনে Competent Authority-কে সকল ধরনের সহায়তা প্রদান করবে;

৬.০ REX নম্বর প্রদান প্রক্রিয়াঃ

৬.১ ইউরোপীয় ইউনিয়নে Rules of Origin (RoO) প্রতিপালনে সক্ষম রপ্তানিকারক প্রতিষ্ঠান REX Registration Number গ্রহণের জন্য বিবেচিত হবে;

৬.২ উপযুক্ত বা যোগ্য রপ্তানিকারক প্রতিষ্ঠানকে REX Registration Number গ্রহণের জন্য Competent Authority (যেমন: রপ্তানি উন্নয়ন ব্যুরো) বরাবর আবেদন করতে হবে;

৬.৩ আবেদনপত্রের সাথে নিম্ন-বর্ণিত ডকুমেন্ট দাখিল করতে হবেঃ

৬.৩.১ ইউরোপীয় ইউনিয়ন এর ওয়েবসাইট

<https://customs.ec.europa.eu/rex-pa-ui/> এ সংশ্লিষ্ট Prescribed

Form পূরণপূর্বক তার Printed hard copy-তে ০৫ এবং ০৬ নং কলামে মালিকের

নিজ বা যথাযথ মনোনীত প্রতিনিধির স্বাক্ষরসহ জমা প্রদান;

৬.৩.২ EPB এর Enrollment Certificate;

৬.৩.৩ Wholly obtained product এবং Stage transformation/ HS

Code Heading Change-এর ক্ষেত্রে শুধুমাত্র পূরণকৃত আবেদন ফরম;

৬.৩.৪ RoO অনুযায়ী Value addition criteria প্রতিপালন নিশ্চিতকরণে Cost Sheet, Bill of Export, Bill of Entry এবং স্থানীয় ক্রয়ের ক্ষেত্রে Cash Memo;

৬.৩.৫ REX Registration Number গ্রহণে আবেদন ফরমে স্বাক্ষরকারী হিসেবে প্রতিষ্ঠানের মালিক ব্যতীত মনোনীত প্রতিনিধি কর্তৃক স্বাক্ষরের ক্ষেত্রে Authorized Letter;

৬.৩.৬ আবেদনকারী প্রতিষ্ঠানের অনুকূলে প্রদত্ত Tax Payer's Identification Number (TIN) সার্টিফিকেট।

৬.৪ আবেদন পত্রে Traders Identification Number হিসেবে BD + প্রতিষ্ঠানের Tax Payer's Identification Number (TIN) অবশ্যই ব্যবহার করতে হবে;

৬.৫ প্রতিটি Tax Payer's Identification Number (TIN)-এর বিপরীতে স্বতন্ত্র REX Registration Number গ্রহণ করতে হবে;

৬.৬ আবেদনপত্রে 4 digit level HS code heading উল্লেখ পূর্বক পণ্য / পণ্যসমূহের নাম ঘোষণা করতে হবে;

৬.৭ REX Registration Number প্রদানের পূর্বে প্রয়োজন দেখা দিলে সঠিক যাচাইয়ের জন্য Competent Authority সংশ্লিষ্ট আবেদনকারীর পণ্য বা সেবার উৎপাদন প্রক্রিয়া সরেজমিনে পরিদর্শন করতে পারবে;

৬.৮ REX Registration Number-এর জন্য Fee প্রযোজ্য হবে না;

৭.০ মনিটরিং ও নিয়ন্ত্রণ ব্যবস্থাঃ

৭.১ Standard Random Sampling পদ্ধতিতে ঝুঁকি বিশ্লেষণ প্রক্রিয়া অনুসরণ করে সংশ্লিষ্ট দেশসমূহে রপ্তানিকৃত consignment-এর যথার্থতা যাচাই;

৭.২ প্রয়োজনে উৎপাদন ব্যবস্থাপনা পরিদর্শন ও Audit করে consignment-এর যথার্থতা পরীক্ষা;

৭.৩ রপ্তানিকারক প্রতিটি consignment-এর রপ্তানি সংক্রান্ত তথ্যাদি প্রতি পাক্ষিকে অর্থাৎ ১৫ (পনেরো) দিন পরপর Shipping details (নির্দিষ্ট ফরমেটে) সফট/হার্ডকপি রপ্তানি উন্নয়ন ব্যুরো বরাবরে দাখিল করতে হবে;

৭.৪ Registered Exporter-এর যেকোনো ধরনের তথ্য পরিবর্তন / Modification-এর প্রয়োজন হলে তাৎক্ষণিকভাবে তা রপ্তানি উন্নয়ন ব্যুরো-কে লিখিতভাবে অবহিত করতে হবে;

৭.৫ REX Registration Number প্রাপ্তির জন্য দাখিলকৃত cost sheet (প্রযোজ্য ক্ষেত্রে) ০১ (এক) বছরের জন্য বলবৎ থাকবে;

৭.৬ Statement on Origin প্রতিস্থাপন (Replacement), অবিকল নকল (Duplicate) ইস্যু হলে রপ্তানি উন্নয়ন ব্যুরো-কে shipping details-এর মাধ্যমে অবহিত করতে হবে;

৭.৭ ইউরোপীয় ইউনিয়নের অনুসন্ধানের জবাব / verification প্রদানের সুবিধার্থে রপ্তানিকারক রপ্তানিকৃত সকল Consignment-এর ডকুমেন্ট EXP, Bill of Export / Bill of Entry (প্রযোজ্য ক্ষেত্রে), Transport document, Statement on Origin এর কপি ০৫ (পাঁচ) বছর পর্যন্ত সংরক্ষণ করতে হবে;

৭.৮ Online ব্যবস্থা প্রবর্তিত হলে Monitoring and Verification-এর জন্য রপ্তানিকারকের প্রতিটি Consignment-এর রপ্তানি সংশ্লিষ্ট দলিলাদি /তথ্যাদি (SoO, EXP, Bill of Export/ Bill of Entry)-এর ভিত্তিতে ডাটা যাচাই প্রক্রিয়ায় মনিটরিং ও নিয়ন্ত্রণ কার্যক্রম পরিচালনা;

৮.০ REX Registration Number বাতিল (Revocation) এবং পুনরুজ্জীবিতকরণঃ

৮.১ REX Registration Number বাতিলের জন্য রপ্তানিকারক নিজে আবেদন করলে;

৮.২ REX Registration Number গ্রহণকারী প্রতিষ্ঠান ০১ (এক) বছর operation-এ না থাকলে;

৮.৩ Rules of Origin প্রতিপালনে ব্যর্থ হলে;

৮.৪ রপ্তানি কার্যক্রমে কোনো ধরনের অসদুপায় অবলম্বন করলে বা বহির্বিশ্বে সামগ্রিকভাবে দেশের রপ্তানি খাতের ইমেজ প্রশ্লবিদ্ধ করতে পারে এমন কোনো কার্যকলাপের সুনির্দিষ্ট কারণ দেখা দিলে;

৮.৫ উল্লেখিত বিষয়াবলীর আলোকে Competent Authority হিসেবে রপ্তানি উন্নয়ন ব্যুরো REX Registration বাতিল (Revocation) সহ প্রয়োজনে দেশের প্রচলিত আইনে ব্যবস্থা গ্রহণ করবে।

-----শেষ-----